

SUSTENGUA

Herri Ekimen Legegileari sostengua eman diotenetako batzuk.

■ Sortzen Ikasbatuaz

Marije Fullaondo

■ Ikastolen Federazioa

Iñaki Etxezarreta

■ AEK

Iñaki Urkijo

■ Euskal Herriko Ikasleen Gurasoen Elkarte

Ana Eizagirre

■ Irakasleak

Gasteiz

Andolin Eguskitza

Amaia Andrieu

Jose txo Aizpuru

Santi Zurbano

Ander Matinez

Karmele Lopez de Ipiña

Ugutx Garitaonandia

Ibaeta

Fito Rodriguez

Joseba Makazaga

Xabier Arregi

Bizkaia

Mikel Zurbano

Mario Zubiaga

Iñaki Barcena

■ Herri Ekimenaren Alde NUPen

Karlos Ibañez

Karmele Villanueva

Imanol Rekondo

Joseba Oieregi

Juan Mari Sanz

Iñaki Urrutxurtu

Kepa Astorkiza

Henrike Galarza

■ Arrasateko Goi Eskola Politeknikoa

Jose Miguel Azkarate

Jose Miguel Campillo

Unai Galfarsoro

Jatsu Lizarribar

■ Eskoriatzako Irakasle Eskola

Joseba Azkarraga

■ Seaska

Mixel Etxeberri

ko Herri Ekimenari Legegileari babesa eman dioten hainbat lagun elkartu ziren.

Euskal Herriak izan behar duen unibertsitatearen ezaugarriak biltzen dira erakunde guztietan aurkeztu den testuak: barruti propioa izan behar

EUSKAL UNIBERTSITATEA

Dekalogo

Lege egitasmoak «modu eskematikoz bildu nahi izan du Unibertsitatearen inguruan gure herrian egon diren, eta dauden, zenbait errebindikazio justu», azken batean egitasmoa martxan ipinarazi duten errebindikazioak eta ondoren aipatzen direnak:

ESKUBIDEA. «Euskal Herriak bere Unibertsitatea garatzeko eskubidea dauka. Eskubide horren barnean, Euskal Herriari dagokio bere lurraldean Unibertsitateak, titulazio-mapa sortu eta kentzeko ahalmena, bai eta euskal curriculumaren diseinatu eta ezartzeko ere».

UNIBERTSITATE AUTONOMIA. «Euskal gizartearen antolakuntza edozein dela ere, Unibertsitatea erakunde autonomoa da, ikerkuntza eta irakaskuntzaren bitartez eta era kritikoan kultura sortu eta zabaltzen duena, behar bezala garatu ahal izateko. Botere politiko edo ekonomikoren aurrean, Unibertsitateak behar du independentzia moral eta zientifikoa».

UNIBERTSITATE EUSKALDUNA. «Euskal Unibertsitatea, euskaraz normaltasunez jardungo duen Unibertsitatea da helburu, eta dagoeneko bere tokia behar du esparru publikoan».

HIZKUNTZ ESKUBIDEAK BERMATUKO DITU. «Euskal Herriko Unibertsitateek plangintza eraginkorrak behar dituzte, hizkuntza normalizazioan aurrerapausoak ematen diren bitartean, bertako ikasle eta langile guztien hizkuntz eskubideak bermatuko dituztenak».

BARRUTI PROPIOA. «Euskal Herriak, Europako egitura Unibertsitarioen barnean, bere Barruti propioa behar du. Eremu historiko, kultural eta linguistikoa oinarri hartuta Unibertsitatearen marko komuna osatuko duena. Euskal Barrutiak aurreikusi behar ditu Euskal Kolektibitateek Euskal Herriko kanpo sortutako ikasguak».

PARTAIDEEN IZAERA. «Euskal Herriko Unibertsitateek beren irakasleria eta Administrazio eta Zerbitzuetako langileria propioa behar dute, eta horiek berezko antolaketa izan behar dute. Alde horretatik, ezinbestekoa da beren Estatutua berezi-

tua. Euskal Herriko Unibertsitateetako ikasleriak ere izango du bere estatutua, ikasleen eskubide eta betebeharrak jasoko dituen».

GIZARTEA. «Euskal Herriko Unibertsitateek, Euskal Herriaren eta gizakien eskubideen defentsan eta Justizia eta Berdintasun Sozialean oinarritutako gizartearen alde jo behar du, eta helburu hori betetzearren dagozkion finantza baliabideak nahikoak izango ditu».

IKERKUNTZA. «Euskal Herriko Unibertsitateetako ikerkuntza eta dozentzia batera joango dira, beti Euskal Herriaren gizartearen premia ekonomiko, sozial eta kulturaleri erantzuteko».

UNITARTEKOA. «Unibertsitateko gatazkak bertan konpondu ahal izateko jurisdikzio arrotzetara jo gabe».

EBALUAZIOA. «Unibertsitatearen Ebaluazio eta Akreditaziorako Euskal Institutua, Unibertsitateen etengabeko ebaluaziorako eta irakasleen akreditazioak baliokidetzeko erakunde euskalduna eta nazionala».

EZTABAIDA SORTU

Euskal Unibertsitateak izan behar duen izaeraz eztabaida sortzea da herri ekimenaren helburu nagusia

40.000 SINADURA

Erakundeetan legea tramiterako onartuz gero, 40.000 sinadura bildu beharko ditu herri ekimenak

kal Herri osoan aurrera eraman ahal izateko, lege proiektu horrek 40.000 sinaduraren babesa izan beharko luke. Indarrean dagoen legediak dio EAEko parlamentuan 30.000 sinadura aurkeztu behar direla, eta 7.000

Nafarroako parlamentuan. «Baina gure ekimena nazionala denez, 40.000 sinadura edo gehiago batu gura ditugu», agertu zuen Herri Ekimen Legegileko aholkulari juridikoak.

Santxo: «Ekimen parakonstituzionala da»

Lege proposamena prestatzeko orduan, Espainiako eta Frantziako konstituzioek esaten dutena ez dela kontuan hartu nabarmendu zuen Santxok. «Eta horren ondorioz, esan dezakegu gaur aurkeztu dugun ekimen hau parakonstituzionala dela».

Espainiako eta Frantziako konstituzioetan esaten dena kontuan ez hartzeaz gainera, horien ardatzen aurka egiten du lege proposamenak. «Zuzenbide positibo konstituzionalaren aldetik begirata, esan daiteke lege proposamen hau erabat lotsagabea dela. Espainiako eta Frantziako konstituzioekiko errespetu falta handia dauka».

duela, ikasketa planak, titulazioak eta curriculumak sortu eta kentzeko ahalmenarekin; Europako unibertsitate egituraren bere egitura propioa izan behar duela eta euskalduna izan behar dela, besteak beste. Hala ere, Iñigo Santxo Herri Ekimen Legegileko aholkulari juridikoak zehaztu zuenez, testua «zirriborroa» baino ez da, eta zabalik dago egin beharreko aldaketetara. «Helmuga sabai bakarra ezarri nahi izan dugu ekimen legegile honekin, eta Euskal Herriak behar duen unibertsitateari buruzko sabai hori izango da herri honetako agenteek markatuko duten adostasun puntu».

Iñigo Santxok azpimarratu zuenez, Euskal Unibertsitatearen eztabaida egin behar zela erabaki zutenean, hiru ardatz nagusitan oinarritu ziren. «Unibertsitateak autonomia izan behar duela argi geneukan, bai ekonomikoa eta bai politikoa. Bestalde, Euskal Unibertsitate-

aren subiranotasuna azpimarratu genuen; hau da, bere barruti propioa izan behar zuela argi geneukan. Hirugarren ardatza ilusioa da. Badakigu Euskal Herriko subiranotasunaren aldeko ekimen bateratuek ilusioa sortzen dutela gizartearen».

40.000 sinadura biltzeko asmoa dute, legea tramitera sartzeko

Herri Ekimenak prestaturiko lege proposamenaren ezaugarriak azaldu zituen Santxok. Esan zuenez, «laburra bezain trinkoa» da. Zazpi titulu eta hogeita bederatzi artikulatu ditu, xedapen gehigarri eta iragankor banarekin.

Halaber, legea Nafarroako eta EAEko parlamentuetan eta Iparraldeko Garapen Kontseiluan eztabaidatu ahal izateko jarraitu beharreko urratsen berri eman zuen. Legea tramiterako onartuz gero, herri ekimen legegilearen prozedura zabalduko da. Horren bitartez, Eus-

IÑAKI URKIO

AEK-ko Batzorde Nazionalako kidea

«Euskal Unibertsitateak mesede egingo lioke euskalduntzeari»

«Euskalgintzako ikuspuntu batetik begirata, euskalduntze prozesuari bultzada emateko Euskal Unibertsitatea beharrezkoa dela uste dugu. Azkenengo hausnarketetan ikusten dugu, irakaskuntzatik datorren jendeak gero erabileran ez daukala aukera larregirik bere euskalduntze dinamika giro euskaldun batean murgiltzeko. Euskal Unibertsitateak euskalduntzeari mesede handia egingo lioke. Bestalde, uste dugu herri ekimenak garrantzia handia daukala. Guk beti defendatu izan dugu gizartea inplikatu egin behar dela bai euskalduntze prozesuan eta bai beste arlo batzuetan»

IÑAKI MURUA

LAB Irakaskuntzako kidea



«Unibertsitateaz eztabaidatzeko gunea ekarpen ona da»

«LABetik uste dugu horrelako ekimenak oso garrantzitsuak direla, gure herriaren etorkizunarentzat batez ere. Indarrean dagoen marko instituzionalaren barruan aritzera behar-tzen gaitu askotan eguneroko errealitateak, eta bada garaia Euskal Herri mailan pentsatzeko. Irakaskuntza osoan unibertsitateak daukan garrantzia handia da, gerora begira batez ere. Orduan, unibertsitateaz eztabaidatzeko gunea bat egitea oso ekarpen interesgarria da gure herriarentzat».

ALEX MARAÑON

Ikasle Abertzaleak taldeko bozeramailea

«Ekimen legegilea urrats erabakigarria da»

«Urrats erabakigarria da. Unibertsitatean egonezina dagoela nabaritu dugu aspaldian, eta hainbat ekimen egin dira azken hileetan bai ikasleen aldetik eta bai irakasleen aldetik. Ekimen legegile honen garrantzia bi aldetan ikusten da: unibertsitateko komunitatea osoari zabalduko zaiola eztabaida eta euskal gizarte osoak bere iritzia eman ahal izango duela. Urratzez urrats, nahi dugun unibertsitate eredurantz bideratzen ari gara eztabaida, eta guztion artean ari gara adosten euskal unibertsitateak izan behar dituen ardatz nagusiak. Gainera, erakunde guztietara zabalduko da eztabaida».

MIREN EIZAGIRRE

Euskadiko Ikasleen Gurasoen Elkarte

«Euskal Unibertsitatea gauzatzea interesatu egiten zaigu»

«Euskadiko Ikasleen Gurasoen Elkarte Euskal Herriko eragile sozial bat da azken batean, eta horrenbestez, Euskal Herriko unibertsitate propioaren proiektua gauzatzea interesatzen zaigu Euskal Herriko gizarte osoari interesatzen zaion bezala. Euskal Unibertsiterako lege propioa sortzeko ekimena bultzatu eta babestu egiten dugu aurretik azaldutako arrazoi horienatik. Hala ere, orain arte landuriko testua aztertze dago oraindik, zirriborroa baino ez delako. Baina horren alde gure lana ere jarri nahi dugu, eta Euskal Unibertsitaren inguruko eztabaidan parte hartzeko prest gaude».